

# Dals origins al temp modern tempriv

Istorgia da la diocesa da Cuira, part 1

**L'uestgieu da Cuira (episcopatus/diocesis Curiensis) ha appartegnì il pli tard – e probablament senza interrupzun – da ca. l'onn 451 fin al Contract de Verdun (843) a l'archidiocesa da Milaun, alura a quella da Magonza fin il 1803/18.** Patrocinis: 10avel tschientaner S. Gliezi, dapi il 11avel tschientaner S. Gliezi e S. Flurin. Sedia episcopal e catedrala: Curt episcopal a Cuira.

## Temp medieval

Dal 5avel tschientaner dateschan restanzas d'ina baselgia al pe da la catedrala odierna e d'ina chombra sepulcrala, reservada probablament als uestgs, da la baselgia da S. Steivan a l'ost da la Curt episcopal. L'onn 451 ha signà l'uestg da Com ina brev sinalda, redigida da l'uestg da Milaun per mauns dal papa Leo I, era en num da l'uestg absent Asinio da Cuira (pro [...] Asinione ecclesiae Curiensis primae Rhaetiae episcopo). L'uestgieu da Cuira, menziona per l'emprima giada en quest document, è eventualment vegni fundà già en il quart tschientaner. El è sa sviluppà per gronda part a l'intern dals cunfins da la provinzia Raetia prima. En il 7avel tschientaner èn parts da la diocesa da Cuira, situadas al sid dal Lai da Constanza, vegnidas attribuidas a l'uestgieu da Constanza. Dal 6avel–8avel tschientaner han ils Zaccos/Victorids occupà, per part en uniu personala, l'episcopat e l'uffizi dal preses. Suerter il 806 ha Carl il Grond farg da la Rezia in contadi franco; el ha separà la pussanza ecclesiastica da quella civila ed ils bains episcopals dal quels dal contadi. L'uestgieu da Cuira ha ertà parts dals bains imperialis carolingics en Rezia. L'imperatur Otto I ha privilegià l'uestg Hartpert surtut a l'intern da la citad da Cuira ed en Bergiaglia ed ha stigaffi las premissas per la posizion dominanta dals uestgs da Cuira sco signurs feudals e prinzis imperialis durante il temp automedieval ed il temp medieval tardiv, savens en disfavur da la pastorazion.

Il 1079/80, durant la disputa d'investitura, è Norbert, il candidat imperial per l'episcopat, sa fatg valair malgrà l'interdict visavi Ulrich II, aderen dal papa; Ulrich II è daventà il successur da Norbert. Ils uestgs sustants han pudì mitschar dals embrugls d'investitura. L'uestg Adelgott (1151–60) ha refurmà las claustras da Casas, Müstair e Schänis ed ha promovì la claustra da S. Gliezi a Cuira. Durant il

temp dals Hohenstaufens han ils uestgs da Cuira surveglià ils pass retics en servetsch da la curt roiala, provocando qua tras tscheras dublas e disturbis en la vita ecclesiastica. Durant l'interregn (1254/56–73) ha l'uestg Heinrich III de Montfort stuì sa defender cunter la noblesza indigena. Il 1277 ha l'uestg Konrad III de Belmont clamà als dominicans a Cuira ed ha promovì, cunter la resistenza dal clerus secular, lur activitat pastoral e la fundaziun da lur claustra da S. Nicolai. Il 1300 ha l'uestg Siegfried von Gelnhausen cumprà liber la chastellanaria imperialia da Cuira dals baruns de Vaz ed è daventà nunzi da Heinrich VII en l'Italia. Il 1347 ha l'uestg Ulrich V Ribi prenvi partida per Carl IV e cunter Ludwig il Bavars, effectuond qua tras l'annexiun parziala dal chapitel catedral tras il marches Ludwig von Brandenburg e garantind gronds privilegis a l'uestg. Il ferm schisma ha mess diversas giadas malperina l'uestgieu ed il chapitel catedral, per exemplu il 1388 en occasiun d'ina tscherna dubla suenter la mort da l'uestg Johannes II Ministri. Numerus uestgs actius durant il 14avel e 15avel tschientaner eran gronds cumbattants (per exemplu Hartmann II de Werdenberg-Sargans), autors eran giurists e teologs cultividus (per exemplu Peter I Gelyto, Johannes III Ambundii, Johannes IV Naso, Leonhard Wissmair) en servetsch da l'Imperi ed engaschads durant ils concils da Constanza (1414–18) e da Basilea (1431–49). Actius savens a l'exterior, stuevan els tralaschar lur duairs spirituals e territorials u surlaschar quels a vicaris generalis. Lur privilegis avevan rinforzà il domini prinzipi episcopal e giada a promover il traffic da transit en il territori curretic; da l'autra vart avevan els però era schendà contracts cuntradicotoric e provocà confusius en dumondas da dretg. Fitg complexa era la relaziun trantre ils uestgs e la Chasa d'Austria (Habsburgais) che vuleva stabilir l'urden e far valair sia predominanza entaifer il territori retic devant da l'Austria e, suenter il 1363, era davent dal Tirol.

Il 14avel tschientaner ha cumençà ina nova epoca en l'istoria da l'uestgieu e dal chapitel catedral da Cuira. Las dretgiras autas e la citad da Cuira aspiravan a l'autonomia, s'unind successivamain a la Lia da la Chadé e cumbattond il domini episcopal (il 1422 e 1435 han ils da Cuira assaglì lo chastè episcopal). In conflict prorut, surtut en consequenza da la Faida da Schons,



La curt episcopal en il 17avel tschientaner. (Detagi d'ina tavla d'altar en la catedrala da Cuira).

tranter il chapitel catedral e la Lia da la Chadé d'ina vart e Heinrich von Hewen, uestg da Constanza ed administratur da Cuira, da l'autra vart, ha mess la diocesa da Cuira en ina gronda crisa enturn il 1450. Anc pli fitg ha la Guerra svabesa (1499) sdossalà la confidanza trantre l'uestgieu e la Lia da la Chadé. Al domini feudal dal prinzi-uestgieu da Cuira appartegnevan la citad da Cuira, ils Quatter Vitgs, la Bergiaglia, il Surses, l'Engiadina, la Tumleasta, il Puschlav, la Val Müstair ed il Vnuost, en il temp automedieval temporarmain era Clavenna e Buorm, en pli bains sparagliads a l'exterior da quest territori, per exemplu en il signuradi da Flums. Tranter ils vasals e ministerials dal prinzi-uestgieu eran las famiglias reticas las pli pussantas.

La diocesa spirituala tanscheva dal Vnuost fin en la Val d'Ursela e dal Vorarlberg respectivamain da la Planira da la Linth fin en il Mesauc, ma senza la Val Puschlav. A la fin dal temp medieval era l'uestgieu da Cuira dividì in otg decanats cun 183 pravendas. La pietusadat sa reflectescha indirectamain en l'art sacrat, en perduns ed en la liturgia. Menzun speziala tranter las claustras reticas dal temp medieval meritan quellas da Mustér, Mariamunt, Müstair, Favera, Cazas, S. Gliezi, Curvalda e S. Nicolai. Il chapitel catedral da Cuira è attestà dapi l'onn 940. *Lothar Deplazes*

## Temp modern tempriv

Sut l'uestg Paul Ziegler era prorut in conflict avert, imminent dapi il temp medieval tardiv, trantre l'uestgieu e la citad da Cuira. La refurmaziun, introducida a Cuira enturn il 1525, aveva contribuì sia part a quest conflict. Ils Artitgels da Glion dal 1524 e dal 1526 avevan limità il domini episcopal a la Curt episcopal da Cuira (part declarada anc il 1514 exenta da la citad da Cuira tras l'imperatur Maximilian I), a la Fürstenburg en il Tirol, al signuradi da Grossengstingen en Svevia (vendi il 1717 a la claustra da Zwiefalten) ed a varsaquants restanzas da ses anterier domini secular en il Grischun, per exemplu en la Val Müstair, a Vaz ed a Farschno. Ils members dal chapitel catedral, restads a Cuira, avevan administrà la diocesa durant l'absenza da l'uestg en ils onns 1524–41 e garanti, sut circumstanças disfavaivalas, la survivenza da l'uestgieu. La Lia da la Chadé, da quel

siun da l'Austria, ni ils 18 artitgels stipulads il 1623 tras il nunzi Alessandro Scappi n'hàn pudì restituir l'uestgieu. Sut l'uestg Johannes VI Flugi d'Aspermont (1636–61) è sa stabilida la relaziun trantre las duas confessiuns oravant tut en consequenza dals strengs contacts politics da las Trais Lias cun l'Austria. L'engaschament dals missiunari chaputschins en l'intschesch da lingua rumantscha ha permess da consolidar la confessiun catolica en las vischnancas catolicas e per part era en quellas confessiun main maschadadas. Las relaziuns cun l'Imperi, interruttas en il 16avel tschientaner, èn puspè vegnidias stabilitas sut la protezion austriaca: a partir dal 1654 èn ils prinzi-uestgs da Cuira puspè sa laschads representantar a las dietas imperialas. L'emprova aventurusa d'occupar la Curt a Cuira cun forza militara, interprendida dal colonel Johann Peter Guler ils 18 da schaner 1656, ha chattà la ferma resistenza da la citad da Cuira refurmada. Las bunas relaziuns da las Trais Lias e da l'uestgieu da Cuira cun l'Austria han manà ad in modus vivendi vers la fin dal 17avel ed en il 18avel tschientaner e garantì la stabilitat en fatgs confessiunals. Ils uestgs n'hàn betg pli giurà ils Sis Artitgels dal 1541 e l'imperatur è sa lachà substituir a partir dal 1728 tras in cùmissari a las tschernas da l'uestg. Ils uestgs da Cuira han fatg frunt senza success a la baselgia naziunala illuministica da Joseph II en il Tirol ed en il Vorarlberg. Els han stuì acceptar la pilipart dals dictats, trantre auter la liquidaziun da pliras claustras. La tentativa austriaca da far da las parts da l'uestgieu da Cuira en il Tirol ed en il Vorarlberg ina nova diocesa cun sedia a Feldkirch n'è dentant betg reussida. Il reschim ecclesiastic dal prinzi ha provocà contraversas era en il Principadi da Liechtenstein.

Divers plans d'instituir in seminari diocesan a Cuira n'èn betg vegnidias realisads. Ils students da teologia dal Grischun han perquai frequentà dapi l'entschatta dal 16avel tschientaner surtut ils collegis dals gesuits a Lucerna ed a Friburg, ma era il Collegium Helveticum a Milaun (a partir dal 1579), il collegi dals gesuits a Dillingen (1610) ed il Collegi da S. Barbara a Vienna (1624). Il 1649 è vegnida fundada a l'intern da la diocesa da Cuira il collegi dals gesuits a Feldkirch. La recepiun en il chapitel catedral pretendeva in origin aristocratic u in titel academic. La refurmaziun aveva provocà ina gronda perdita d'entradas ed il dumber dals canonis residenzials era sa diminuì. Ils statuts, decretads il 1598 tras il nunzi Giovanni della Torre, avevan fixà il dumber dals canonis catedrals (titulars da las dignitats) a sis, ils ulterius 18 commembors dal chapitel catedral, che na residiavan betg a Cuira (extraresidenzials), avevan il dretg da participar a l'eleciun da l'uestg. Il prevost vegniva probedi da la sedia apostolica, il decan elegì dal chapitel, il cantor ed il custos da l'uestg. Ils Artitgels da Glion dal 1524 e 1526 avevan limità fermamain l'influenza da las dretgiras dioceanas. Il vicari general era a medem temp in canonis resident ed in uffiziant. El era engaschà en il 16avel tschientaner mo temporarmain ed era entrà en uffizi pir en il 17avel/18avel tschientaner (puspè senza interrupzun). Il Vorarlberg, il Vnuost, il Mesauc, il Surmeir e la Surselva avevan mintgamai in vicari ch'extortava il clerus a la disciplina, infurmava la curia episcopal ed organisava conferenzas pastorals.

Pierre Surchat

Regenza	Uestg
<b>Uestgs avant la Refurmaziun</b>	
Puricius	
Claudianus	
Ursicin	
Sedonius	
Eddo	
Leuthorius	
Othcarius	
Notingus	
451	Asinio
ca. 548	Valentinianus
814	Paulinus (?)
ca. 759–765	Theodorus (?)
ca. 773	Victor I
ca. 800	Paschalis
836–842	Victor II
849–868	Vigilius
ca. 887–893	Tello
920–949 (?)	Thiethof
951–971/72	Hartpert
ca. 972–988	Hildebold
1000–1024	Ulrich I
1030–1039	Rupertus
1040–1070	Hartmann I
1070–1078	Heinrich I
1080–1088	Norbert
1089–1096	Ulrich von Tarasp
1096–1122	Wido
1123–1144	Konrad von Biberegg
ca. 1145–1150	Konrad II
1151–1160	Adelgott
1163–1170	Egino
1170–1179	Ulrich von Tegerfelden
1179–1180	Bruno
1180–1193/94	Heinrich II
1194–1209	Reinher da Torre
1209–1221	Arnold von Matsch
1224–1226	Rudolf von Güttingen
1228–1233	Berchtold I
1233/34–1237	Ulrich IV von Kyburg
1237–1251	Volkard von Neuburg
1251–1272	Heinrich III von Montfort
1273–1282	Konrad III de Belmont
1282–1290	Friedrich I von Montfort
<b>Uestgs dapi il 19. tschientaner</b>	
1834–1844	Johann Georg Bossi
1844–1859	Kaspar de Carl von Hohenbalken
1859–1876	Nikolaus Franz Florentini
1877–1879	Kaspar Willi
1879–1888	Franz Constantin Rampf
1888–1908	Johannes Fidelis Battaglia
1908–1932	Georgius Schmid von Grüneck
1932–1941	Luregn Mathias Vincenz
1941–1962	Christianus Caminada
1962–1990	Johannes Vonderach
1990–1997	Wolfgang Haas
1998–2007	Amédée Grab
2007–	Vitus Huonder

Rodel dals uestgs da Cuira.

(LIR)

## Lexicon Istoric Retic

Il LIR cumpiglia bundant 3100 artitgels (geografics, tematics, artitgels da famiglias e biografias) davart l'istoria grischuna/retica e la Rumantschia. Editura: Fundaziun Lexicon Istoric Svizzer; versiun online: [www.e-lir.ch](http://www.e-lir.ch); versiun stampata: [www.casanova.ch](http://www.casanova.ch) u en mintga librarria.